



Inatsisartunut ilaasortaq Harald Bianco, Inuit Ataqatigiit

INDGÅET

16 MAR. 2014

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**§ 37, imm. 1 naapertorlugu, Tunumi nannuttassat pillugit apeqquteqaammut nr. 52-imut akissut**

03-03-2014  
Sags nr. 2014-096810  
Dok. nr. 1504370

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.naalakkersuisut.gl

Tunumi nannuttassiissutit pillugit 27. februar 2014, Inatsisartut suleriaasaanni § 37, imm. 1 naapertorlugu Naalakkeruisunut apeqquteqarsimavutit, susassaqarfinnut akisassanngortinneqarsimasumik.

**Apeqqut: Naalakkersuisut Tunumi nannuttassat amerlissamaarpat?**

Tunumi nannuttassiissutit amerlineqarnissaat pilersaarutigineqanngilaq, soorlu apeqquteqarlutit allagaqaatinni ilanngullugu aamma tikkuarit, biologit Tunumi nannut pillugit ilisimasaat naammangimmata. 2011-imi, 2012-imi, 2013-imi 2014-imilu ilisimatuussutsikkut innersuussutaagallartut qaavisigut immikkut 10-nik pisasseeqqittoqarnikuvoq. Mianersuaalliornerussaarlutit biologit nutaamik siunnersuusiortinnagit pisassiissutit qaffanneqaqqissappata.

Ilumoorputit Tunumi nannut amerlassusaasa misissuiffigineqarnissaat ukiuni arlaqalersuni pilersaarutaasimavoq. Nunattali sinnerani nanoqatigiiaat allat misissuiffigineqarnerisa pilersaarutaasumit sivisunerunerannit tamanna kinguaattoorsimalluni. Naluneqanngitsutummi sineriyak Tunumi nannunik misissuiffiusussa qannertuvoq, misissuinissamut ajornartorsiortitsisumik akitsorsaataasumillu. Kitaani Baffin Bugtimi Kane Basinimilu nannunik misissuinerit Canadamit suleqateqarluni ingerlanneqartarmata, tamaani misissuinerit Tunumi misissuinissanut sanilliullugit ajornannginnerusutut isikkoqartarput aallartikkuminarnerullutillu.

Maanna Pinngortitaleriffimmit pilersaarutit malillugit aningaasaliinerillu apeqqutaatillugit Tunumi nannunik misissuinerit 2014-imi aallartittumik ingerlanneqassapput. Misissuinerit ukiut arfinillit ingerlanneqassapput nannullu amerlassusaata missiliorneqarnerisa saniatigut, Tunumi nanoqatigiit arlariiuersut misissorneqassalluni. Misissuinissamut pilersaarutitut aamma ilaapput atusut qangaaniit ilisimasaannik katersinissaq.

Ilanngullugu tikkuarpat Tunumi sikorsuit takkusimaarfii atitussusaallu ukiuni kingullerni allanngorsimangitsoq, seqummakunngornerulersimaneralli ilanngullugu eqqaallugu. Tamannarpiarlutit, sikorsuit sequmikulassusaat, nannunut qanoq neriniarfissaqartigisinnaanerannut attuumalluinnarpoq. Neriniarfiusullu pitsaassusaata appariartorneratigut nanoqatigiiaani nannut eqikkamerulernerannik kinguneqarsinnaavoq, piffimmi aalajangersimasumik takussaamerulernerannik allanilu akuttunerulernerannik. Nanoqatigiiaalli misissuiffigineqartinnagit, Tunumi nanoqatigiiaat qanoq innerannik tikkuussisoqarsinnaanngilaq pisassiissutillu mianersortumik inassinneqarnissaat inassuteqaataalluni.

Nannut illoqarfinnut qaninnerulernerisa illoqarfinnukakulalernerisalu ukiuni kingullernitulli, piffissami aggersumi ineriartuinnassappat Aalisarnermut, Piniarnermut Nunalerinermullu Naalakkersuisoqarfimmit pilersaarutaavoq inoqarfinni eqqugaasuni, pingaartumik Tunumi innuttaasut peqatigalugit inuit nannullu naapittarnerinnut upalugaarsaasiortoqarnissaa. Matumani inoqarfinni pigisat illullu qanoq nannunut pallittaalineqarnissaat anguniarneqassalluni, inoqarfiit nannunut soqutiginaassaat millisarniarlugu.

Inussiarnersumik inuulluaqqusillunga  
Med venlig hilsen

Finn Karlsen